

UDA, BEROA BAI, BAINA EZ MOTELA

OPORRAK-IKASTURTEA

Amaitu dira geienen udako oporrak eta eldu da berriro lanera itzultzeko ordua. Onaino teoria, baina kasu askotan egia beste bat da: batek baino geiagok nai izango leuke aukera ori euki, langabezia gaur eguneko arazorik larrienarikoa dala kontutan izanda.

Ikasturte barria astera doa. umeek zorroak liburuz bete, gurasoek boltzikoak diruz utsitu liburuok ordaintzeko, eta danok "eskolara". Politikoak, eurak ere, ikasturte politikoa astera doazela esaten dabe, naiz eta oinezko askok denpora galtzera doazela pentsatu. Onei ere ikasleei antzera nota jarri-bearra balego ikasturte-amaieran, ainbatek suspentutuko leuke kurtsoa, baina ikasleei egiten jakena egin-bearrean, kurtsoa barrizatu eragin, besteok eskolatik kanpora botako gendukez. Eta egia esan aspaldion badira ainbat eta ainbat arrazoi sekulako suspensioa jartzeko etxeko eta auzoko politikoei.

xYY

UDAKO ALBISTEAK

Kazetarien artean entzutetsuak izan dira beti "udako sugeak", au da, udan barri gitxi egoten denez eta egon badagoz ez denez kazetaririk izaten oporrak dirala eta, barririk txikiena ere aunditu egiten da izparringiak onegaz edo aregaz betetzeko. Azken batean paper-orriak saltzen dira, eta gertatu bako barriak erosi.

Oraingo uda, ostera, ez da bat ere txiroa izan barri politikotan, eta euretatik gitxi onak. GAL auzia dala eta, gauzak geroago eta korapilotsuagoak biurtu dira, batez ere PSOE alderdiarentzat, ez dalarik goi kargurik ikutu barik geratu.

Egia esateko bat bai geratu da, baina au leendik ere ikututa egoan, Alfontso Guerra.

Kontu-modura esaten denez, PSOEek zirku bat ipiniko baleu ipotxak asi egingo litzatekez, edota, txapelgintzan asiko balitz umeak buru barik jaioko litzatekez. FILESA, GAL, PSV, zein loteria ez jako jausi?

Aginteak ustelkeria dakarrela esaten da, eta orixe egiaztatzeko bidea daroa alderdi onak.

ONDORENAK

Txarrena orren ondorioa izan leiteke, eta ez sozialistak alde

egin bearragaitik, atzetik atea joka dagoana euskaldunontzat askoz txarragoa izango danaren susmoa dagoalako baino.

Bibotedun agintarien gomutapen txarra daukagu lurralde onetan.

Ainbat urtetan jasan izan bear izan dogu Patxikinen bibotearen zapalkuntza, baina faxizta izanik ulertzekoa zan zapalkuntza. Kontuz! ulertzekoa dinot faxiztak zapaltzaileak diralako (neu nagusi edo...) baina inondik ere ez onartzekoa.

Baina orain etorri daitekena arriskugarriagoa da, etorri ere demokrazia kutzuz jantzita dator eta, auteskunde eta botoen indarrean oinarrituta, naiz eta boto orretariko askok POSOEn kontrako asarrea adierazi eta ez bere aldeko kidetasuna.

Dana dala, bere alde ona ere euki leike (alde onik aurkitzen asi ezkerio eriotzari berari ere aurkituko geunskio). Ea eragozpenak eta oztopoak aunditu eta nagusitu egiten jakuzanean, alkartu, geure arteko ezbardintasunak eta kontrako pentsakerak aaztu eta arerioari ekin egiten deusagun, danok alde bardinerantz bultzatuz eta indarrak alkartuz, ez bakoitzak bere alderantz eginaz eta indarrak saka-banatu.

EUNGARREN URTEA: OINARRIAK

Naaste-borraste politiko onetan ere badago zorionak emon bearra. EAJ alderdiari ain zuzen ere. Arrazoia bikoitza da, alde batetik bere 100 gn. urteurrenagaitik eta beste aldetik ospakizun egun orretarako ataratako agiriagaitik.

Aurreko baten etxearen oinarriak eta ageak begiratu bear zirela esaten neban eta agiri orretan orixe egiten dala uste dot. norbaiti erakutsi zuaitzaren sustraiak eta enborra sendo dagozala, aitaren etxeak zutunik dirauala, Sabino Aranak jarritako elburuak ez dirala aaztu eta abertzaletasunaren suak biztuta jarraitzen dauala.

Asmoak eta elburuak ortxe dagoz, orain zailena edo gatxena geratzen da, BETETZEA, itsasontziak ez daiala iparra galdu eta bear dan portura eldu daitea.

Nire aldetik zorionak eta gitxienez beste 100 urte bete daiazala, baina ea orduko agirian elburuak beste batzuk diran, eta ez norabidea aldatu dalako, aurreko elburu eta asmoak bete egin diralako baino.

Enrike Itxasalde

OARTXU BATZUK

Ogei ta zortzigarren ika *sturtearerez iragarkia* ipiñi dogu zenbaki onetan. *Ikasturtea* urrillaren 16'an asiko eta ba-daukazue astia euskeria ikasten asi gura dozuonok. Asi udeak izten dauan nagikeria kentzen, lan onetara gogotsu sartzeko.

Laster izango da gure ZER onen 200n. zenbakia. Jazoera au pozgarria da gure irakurleentzat, idazleentzat eta laguntzailleentzat. Ekin eta ekin onagiño eldu gara!

200 zenbakiak betetzen diranean, aurkibide ondo osotu bat agertu nai dogu. Orrelan egin gendun 100n. zenbakiaren ondoren be. Gure adiskide on eta zeatz bat dabil lan au egiten.

Ori dala-ta, zenbaki bat edo bi orretarako beste barik izango dira. Idazleren batzuk zuen idaz-lanak argitaratuta ikusteko itxaron-bearra izango dozue.

Eskerrik asko guztioi eta aurrera geure bidetik!

ZER